

ohne viel umbnielens / außzugraben / auch  
 ein Garten = Messer / das Unkraut auß  
 der Wurzel heraus zuschneiden / jenige  
 Instrumenten aber / wovon ihrer viel  
 noch nichts gewüßt haben / seynd / erstlich /  
 ein so genenter Tubus , von Eisen ge-  
 macht / womit man allerley Gewächs / es  
 seyn schon blühende Tulipanen oder was  
 vor Zwibelgewächs es sey / auch Dägelin  
 oder ander Blumenstöck / mit sambt der  
 Erden ohne Schaden außnehmen / und  
 wohin man will / versetzen kan / und wer-  
 den solche Gewächs mit spüren lassen /  
 daß sie von ihrem Orth verändert seyn /  
 oder wie es sonst geschicht / an ihrem  
 blühen verhindert werden. Solcher  
 Tubus nun wird also gemacht / wie ein  
 Ladung die man zu den Stücken brauche /  
 oder wie ein Hol-ziegel / doch daß sein dia-  
 meter , das ist sein durchgehende breite  
 6. Zoll / also sein ganze höhe aber 3.  
 Schu sey / unnd zu beeden seitten zwo  
 Handhaben / dabey man ihn fassen / und  
 in